

اتوار 29 جون، 2025

مضمون۔ کر سچن سائنس

سنہری متن: مکاشفہ 10 باب 8 آیت

”جاوس فرشتے دے ہتھ وچوں جیہڑا سمندر تے خشکی اُتے کھلوتا اے اوہ کھلی ہوئی کتاب لے لے۔“

جوابی پڑھائی: مکاشفہ 10 باب 1 توں 4، 9 توں 11 آیتاں

- 1- فیر میں اک ہو ر زور آور فرشتے نوں بدل اوڑھے ہوئے آسمان توں اتر دے دیکھیا۔ اوہ دے سر اُتے دھنک سی تے اوہدا مکھڑا سورج وانگر سی تے اوہ دے پیر آگ دے ستوناں وانگر۔
- 2- تے اوہ دے ہتھ وچ اک نکی جئی کھلی ہوئی کتاب سی۔ اوہنے اپنا سجا پیر تے سمندر اُتے رکھیا تے کھبا خشکی اُتے۔
- 3- تے اجیہی وڈھی آواز ناں چینیجا جیویں شیر دھاڑدا اے۔
- 4- تے جدوں گرج دیاں ست آوازاں سنیاں گیاں فیر میں لکھن دافصلہ کیتا تے آسمان اُتوں ایہہ آواز آندی سنی پئی جیہڑیاں گلاں گرج دیاں ایہناں ست آوازاں توں سنیاں گیاں نیں اوہناں نوں لگیاں رہن دے تے لکھنہ۔
- 9- فیر میں اوس فرشتے دے کول جا کے آکھیا پئی ایہہ نکی کتاب مینوں دے دے۔ اوہنے مینوں آکھیا ایہنوں کھالے۔ ایہہ تیرا ٹیڈتے کوڑا کر دیوے گی پر تیرے منہ وچ شہد وانگر مٹھی لگے گی۔

- 10- ایس لئی میں نکی کتاب فرشتے دے ہتھ وچوں لے کے کھا گیا۔ اوہ میرے منہ وچ تے شہد دے وانگر مٹھی لگی پر جدوں میں اوہنوں کھا گیا تے میرا ٹیڈ کوڑا ہو گیا۔
- 11- تے مینوں آکھیا گیا پئی تینوں بوہت ساریاں امتاں تے قوماں تے اہل زبان تے بادشاہواں اُتے فیر نبوت کرنا ضرور اے۔

درسی وعظ

بائبل وچوں

1- خروج 15 باب 26 آیت

26- میں خداوند تیرا شافی آں۔

2- زبور 103: 1 توں 5 آیات

1- اے میری جان خداوند نوں دھن آکھ تے جو کجھ میرے اندر اے اوہ دے پاک ناں نوں دھن آکھے۔

2- اے میری جان! خداوند نوں دھن آکھ تے اوہ دی کسے نعمت نوں بھلیں نہ۔

3- اوہ تیری ساری بدکاری بختد اے۔ اوہ تینوں ساریاں بیماریاں توں شفا دیندا اے۔

4۔ اوہ تیری جان نوں ہلاکت توں بچاؤندا اے۔ اوہ تیرے سر اُتے شفقت تے رحمت داتا ج دھر دا اے۔

5۔ اوہ تینوں ساری عمر چنگیاں چنگیاں شیواں نال رجھاؤندا اے۔ توں عقاب وانگر نویں سرے توں جوان ہنلاں ایں۔

3۔ مرقس 1 باب 9 توں 11:29 توں 34:40 توں 42 آیات

9۔ تے اوہناں دناں وچ ایہج ہویا پئی یسوع نے گلیل دے ناصرت وچوں آکے یردن وچ یوحنا توں بپتسمہ لیا۔

10۔ تے جدوں اوہ پانی وچوں نکل کے اُتے آیا تے اوسے ویلے اوہنے اسمان نوں بھٹدیاں تے روح نوں کبوتر وانگر اپنے اُتے اتر دیاں دیکھیا۔

11۔ تے اسمان وچوں آواز آئی پئی توں میرا پیار بُتر ایں۔ تیتھوں میں خوش آں۔

29۔ تے اوہ فی الفور عبادت خانے وچوں نکل کے یعقوب تے یوحنا دے نال شمعون تے اندریاس دے گھر آئے۔

30۔ شمعون دی سس نوں تاپ چڑھی سی تے اوہناں نے فی الفور اوہدی خبر اوہنوں دتی۔

31۔ اوہنے کول جا کے تے اوہد اہتھ پھڑ کے اوہنوں چکیا تے تاپ اوہدے اُتوں اتر گئی تے اوہ اوہناں دی سیوا کرن لگی۔

32۔ شام نوں جد سورج ڈُب گیا تے لوکی سارے بیماراں نوں تے اوہناں نوں جنہاں وچ بدر و حواں سی اوہدے کول لیائے۔

33۔ تے سارا شہر بوہے اُتے اکٹھا ہو گیا۔

34۔ تے اوہنے ہتھیریاں نوں جیہڑے نت بیماریاں وچ گرفتار سی چنگا کیتا تے بوہت ساریاں بدر و حواں نوں کڈھیا تے بدر و حواں نوں بولن نہ دتا کیوں جے اوہ اوہنوں پچھان دیاں سی۔

40۔ تے اک کوڑھی نے اوہدے کول آکے اوہدی منت کیتی تے اوہدے سامنے گوڈھے ٹیک کے اوہنوں آکھیا جے توں چاہویں تے مینوں پاک صاف کر سکدا ایں۔

41۔ اوہنے اوہدے اُتے ترس کھا کے ہتھ ودھایا تے اوہنوں چھو کے اوہنوں آکھیا میں چاؤہناں واں پئی توں پاک صاف ہو جا۔

42۔ تے جھیتی نال اوہدا کوڑھ جاندار ہیا تے اوہ پاک صاف ہو گیا۔

4۔ یوحنا 13 باب 1، 31 توں 35 آیتاں

1۔ فسح دی عید توں پہلاں جد یسوع نوں پتا لگ گیا پئی میرا ویلہ اپڑ گیا اے پئی جگ توں وکھ ہو کے باپ دے کول جانواں تے اپنے اوہناں لوکاں نال جیہڑے جگ وچ سی جیویں محبت رکھدا سی اوہ سے طراں ای اخیر تیکر محبت رکھدا رہیا۔

31۔ جد اوہ باہر ٹر گیا تے یسوع نے آکھیا ہن بابا بن آدم نے جلال پایا تے رب نے اوہدے وچ جلال پایا۔

32۔ تے رب اوہنوں اپنے وچوں برکت دیوے گا بلکہ فوراً دیوے گا۔

33۔ اے بالو! میں ہور کجھ چر تیکر تہاڈے نال آں۔ تسی مینوں لبھو گے تے جیویں میں یہودیوں نوں آکھیا سی پئی جتھے میں جاناواں تسی نئیں آسکدے اوہ سے طراں تہانوں وی آکھداواں۔

34۔ میں تہانوں اک نواں حکم دیناں واں پئی ایک دو جے نال پیار رکھو جیویں میں تہاڈے ساریاں نال پیار کیتا تسی وی ایک دو جے نال پیار کرو۔

35۔ جے آپس وچ پیار رکھو گے تے ایہدے توں سارے جانن گے پئی تسی میرے چیلے او۔

5۔ یوحنا 14 باب 5، 6، 15 توں 17 آیتاں

- 5- تو مانے اوہنوں آکھیا اے خداوند اسی نئیں جان دے پئی توں کتھے جانا ایں۔ فیر راہ کیوں جانے۔
- 6- یسوع نے اوہنوں آکھیا پئی راہ تے سچیا ئی تے حیاقی میں واں کوئی میتھوں بغیر پیو دے کول نئیں جانا۔
- 15- جے تسی میرے نال محبت رکھ دے او تے میرے حکماں اُتے عمل کرو گے۔
- 16- تے میں پیوا گے درخواست کراں گاتے اوہ تہانوں دو جامد دگار بخشے گا پئی ہمیشہ تیکر تہاڈے نال رہوے۔
- 17- یعنی روح حق جنہوں جگ حاصل نئیں کر سکد اکیوں جے نہ اوہنوں ویکھد انہ جان دا اے۔ تسی اوہنوں جان دے اویوں جے اوہ تہاڈے نال رہند اے تے تہاڈے اندر ہووے گا۔

6- زبور 91:1 توں 12، 14 توں 16 آیتاں

- 1- جیہڑا حق تعالیٰ دے پردے وچ رہند اے، اوہ قادر مطلق دے پر چھانویں وچ سکونت کرے گا۔
- 2- میں خداوند دے بارے آکھاں گا اوہ ای میری پناہ تے میرا گڑھ اے۔ اوہ میرا رب اے جیدے اُتے میرا توکل اے۔
- 3- کیوں جے اوہ تینوں صیاد دے پھندے تے مہلک و باتوں چھڑائے گا۔
- 4- اوہ تینوں اپنے پر اں وچ لکھو لے گا۔ تے تینوں اوہدیاں بانہواں بیٹھیاں پناہ ملے گی اوہدی سچیا ئی ڈھال تے سپرے نہیں۔
- 5- تونہ رات نوں ہیبت توں ڈریں گاتے نہ دن نوں اُٹن والے تیر توں۔
- 6- نہ اوس و باتوں جیہڑی ہنیرے وچ چل دی اے۔ نہ اوس ہلاکت توں جیہڑی دوپہر نوں ویران کر دی اے۔
- 7- تیرے ارد گرد ہزاراں ڈگ جان گے تے تیرے سبے ہتھ دے دل دس ہزار پر اوہ تیرے کول نہ آن گی۔
- 8- پر توں اپنی اکھاں نال وکھیں گا۔ تے شیراں دے انجام نوں ویکھیں گا۔

- 9۔ پرتو اے خداوند! میری پناہ اے! تو حق تعالیٰ نوں اپنا مسکن بنا لیا اے۔
- 10۔ تیرے اُتے کوئی آفت نہ آوے گی۔ تے کوئی وبا تیرے خیمے دے کول نہ اڳڑے گی۔
- 11۔ کیوں جے اوہ تیرے بارے اپنے فرشتیاں نوں حکم دیوے گا پئی تیریاں ساریاں راہواں وچ تیری راکھی کرن۔
- 12۔ اوہ تینوں اپنے ہتھاں اُتے چک لین گے تاں جو انج نہ ہووے پئی تیرے پیر نوں پتھر نال سٹ لگے۔
- 14۔ کیوں جے اوہنے میرے نال دل لایا اے ایس لئی میں اوہنوں چھڑاواں گا۔ میں اوہنوں سرفراز کراں گا کیوں جے اوہنے میرا ناں پچھانیا اے۔
- 15۔ اوہ مینوں پکارے گاتے میں اوہنوں جواب دیواں گا۔ میں مصیبت وچ اوہدے نال رہواں گا۔ میں اوہنوں چھڑاواں گاتے اوہنوں عزت بخشاں گا۔
- 16۔ میں اوہنوں عمر دی درازی نال آسودہ کراں گاتے اپنی مکتی اوہنوں دکھاواں گا۔

سائنس تے صحت

1- 8-1:136

یسوع نے مسیح دی شفا دی روحانی بنیاد اُتے اپنا چرچ بنایا تے اپنے مشن نوں جاری رکھیا۔ اوہنے اپنے کچھے ٹرن والیاں نوں سکھایا پئی اوہدے ہب الہی اصول سی، جیہڑا خطا نوں باہر کڈھ داتے بیمار تے پاپی دونواں نوں شفا دیندا سی۔ اوہنے رب توں وکھرے کسے سیان، کم تے نہ ای کسے حیاتی داد عویٰ کیتا۔ ایس مصیبت دے باوجود جیہڑی ایس دے پاروں ای اوہدے اُتے آئی سی، اوہنے الہی طاقت نوں انسان نوں روحانی تے جسمانی دونواں طراں دی مکتی دین لئی ورتیا۔

2- 29-24:147

ساڈے مالک نے بیمار نوں شفا دتی، مسیحی شفا دی مشق کیتی، تے اپنے طالب علماں نوں ایہدے الہی اصول دیاں
عمومی سکھائیاں؛ پر اوہنے شفا دے ایس اصول نوں ظاہر کرن تے بیماری توں بچے رہن لئی کوئی حتمی اصول پیش
نئیں کیتا۔ کر سچن سائنس وچ ایہہ اصول دریافت کرن لئی رکھیا گیا اے۔

3- 6-1:107

سن 1866 وچ، میں کر سچن سائنس یا حیاتی، سچیائی تے پیار دے الہی قانوناں نوں لبھیا تے اپنی ایس تلاش نوں
کر سچن سائنس دانان دتا۔ رب بوہت شاندار طریقے نال مینوں سائنسی ذہنی شفا دے پورے الہی اصول دے ایس
اخیری مکاشفے دے استقبالیے لئی تیار کر رہیا اے۔

4- 24-11:109

میری تن ورھیاں دی دریافت دے بعد، میں عقلی شفا دے بارے مسئلے داخل لبھیا، آیتاں نوں لبھیا تے تھوڑی
بوہت کجھ ہو پڑھائی کیتی، معاشرے توں دوری رکھی، تے اک مثبت اصول دی دریافت لئی اپنا ویلہ تے توانائی وقف
کیتی۔ ایہہ تلاش مٹھی، پرسکون، تے آس دے نال خوش کن سی، نہ پئی خود غرض تے نہ ای افسردہ سی۔ میں رب نوں
سیان دے ہم آہنگ عمل دے اصول دے طور تے جان داسی، تے ایہہ پئی ابتدائی مسیحی شفا وچ علاج پاک تے اچے
ایمان دے پاروں پیدا ہو رہے سی؛ پر میں ایس شفا دی سائنس لازمی جانی سی، تے میں الہی مکاشفہ، وجہ تے اظہار

دے پاروں اپنی راہ دیاں قطعی منزلاں اُتے اُپڑیا۔ میری سمجھ وچ سچائی دا انکشاف ہولی ہولی تے ظاہری طور تے الہی طاقت دے راہیں آیا۔

5- 19-4:128

سائنس دی اصطلاح جے چنگی طراں سمجھی جاوے تے رب دی شریعت تے انسان نوں شامل کر کے سنسار اُتے اوہدی حکمرانی دا حوالہ دیندی اے۔ ایہدے نال ایہہ گل سامنے آؤندی اے۔ تاجراں تے چنگے عالماں نے ویکھیا پئی کرپچن سائنس اوہناں دی برداشت تے ذہنی طاقتاں نوں ودھاؤندی اے، اوہناں دے کردار دی سوچ نوں کھلا کر دی اے، اوہناں نوں عقل تے سمجھ تے اپنی عام گنجائش نوں ودھاؤن دی صلاحیت دیندی اے۔ انسانی سوچ روحانی سمجھ نال بھر کے ہو ر لچکدار ہو جاندی اے، ایہہ بوہت برداشت تے کسے حد تیکر اپنے آپ توں فرار ہو جان دے قابل ہو جاندی اے تے گھٹ آرام پسند کر دی اے۔ ہستی دی سائنس دا علم انسان دی قابلیت دے فن تے امکانات نوں ودھاؤند اے۔ فانی لوکاں نوں اُچی تے کھلی ریاست تیکر اُڑاندے ہوئے ایہہ سوچ دے ماحول نوں ودھاؤند اے۔ ایہہ سوچن والے نوں اوہدی سمجھ تے سیان دی ہو اوچ وڈھا کر دالے۔

6- 4-1:1

اوہ عاجیہڑی پانی نوں ٹھیک کر دی اے تے بیمار نوں ٹھیک کر دی اے اوہ پورے طور تے ایہہ ایمان اے پئی رب لئی سب کجھ ممکن اے، جیہڑی اوہدے بارے اک روحانی سمجھ، اک بے غرض پیار اے۔

7- 28-21:342

کر سچن سائنس پاپی نوں جگاؤندی اے، کافرنوں سدھیاں کردی اے، تے بے بس معزور نوں پیڑ دے بسترے توں
 چکدی اے۔ ایہہ بولے نوں سچیاں دیاں گلاں سناؤندی اے، تے اوہ خوشی نال جواب دیندے نیں۔ ایہہ بولے دے
 سُنن، لنگڑے دے ٹرن تے انھے دے ویکھن دی وجہ بن دی اے۔

8- 27:482 (کر سچن)۔ 31

کر سچن سائنس سچیاں دی شریعت اے، جیہڑی کلی سیان یارب دی نیوں اُتے بیمار نوں شفا دیندی اے۔ ایہہ کسے ہور
 طریقے نال شفا نئیں دے سکدی، کیوں جے انسان نام نہاد فانی سیان شفا دین والا نئیں اے، بلکہ بیماری اُتے ایمان دی
 وجہ بن دا اے۔

9- 27-4:7

کیوں جے لکھارن نے بیماری تے ایہدے نال نال پاپ دے علاج وچ سچیاں دی طاقت نوں لبھیا، اوہدا نظام پورے
 طور تے تصدیق شدہ سی تے ایہہ کدی ادھانئیں رہیا؛ بلکہ کر سچن سائنس دی اُچیاں تیکرا پڑن لئی، انسان نوں ایہدے
 الہی اصول دی فرمانبرداری حیاتی گزارنی چاہیدی اے۔

10- 13-5:483

لکھارن دی پاک دریافت دے بعدوں، اوہنے ”سائنس“ دانان مسیحیت دے نال جوڑیا، بدنی فہم لئی ”غلطی“ دانان تے سیان نوں ”مادے“ دانان دتا۔ سائنس نے ایس مسئلے تے ایہدے اظہار نال مقابلہ کرن لئی جگ نوں دعوت دتی، جیہڑی بیماریاں نوں ٹھیک کر دی اے، غلطیاں نوں مکاندی اے، تے ہم آہنگی نوں ظاہر کر دی اے۔ اوہناں کر سچن سائنس دانان، پرانے نیک لوکاں، تے یسوع مسیح دے راہیں رب نے کر سچن سائنس دی روح نوں لازمی ظاہر کیتا۔

کیوں جے سیان دی سائنس عام سائنسی سکولاں نوں چنگی نیں لگدی، جیہڑی بس جسمانی شیواں نال لڑدی اے، ایس لئی ایس سائنس دی مخالفت کیتی گئی، پر جے کوئی علم رب نوں عزت دیندا اے، تے دانش مند لوکاں ولوں ایہنوں من لیا جاوے، نہ پئی اوہدی مخالفت کیتی جاوے۔ تے کر سچن سائنس رب دی عزت اتج کر دی اے جیویں کوئی دو جا عقیدہ نیں کردا، تے اوہ ایہہ سب اوہدے مقرر کیتے ہوئے طریقیاں نال کر دے نیں اوہدے پاک ناں تے فطرت دے راہیں بوہت حیرت انگیز کم پورے کر دی اے کسے بندے نوں چاہیدا اے پئی اوہ اپنے مقصد نوں بغیر ڈر تے ضد دے پورا کرے، کسے کم نوں چنگی طراں پورا کرن لئی اوس کم نوں خود غرضی توں پاک ہونا چاہیدا اے۔ مسیحیت کدی وی الہی اصول اُتے نیو نیں رکھے گی تے اینج یقینی رہو وے گی جدوں تیکر ایہدی پوری سائنس تیکر نیں اڑیا جاندا۔ جدوں ایہہ پوری ہو جاوے، نہ غرور، نہ تعصب، تے نہ ساڑا ایہدی نیو نوں ختم کر سکے گا، کیوں جے ایہہ مضبوط چٹان، مسیح اُتے رکھی گئی اے۔

11- 29-15:55

سیچائی دالافانی نظریہ، اپنے پراں بیٹھاں بیماراں تے پاپیاں نوں کٹھیاں کر دیاں ہوئے، صدیاں دا احاطہ کر رہیا اے۔ میری خستہ حال امید اوس خوشی دے دن دا احساس دلاؤن دی کوشش کر دی اے، جدوں انسان مسیح دی سائنس نوں سمجھے گاتے اپنے گوانڈی نال اپنے وانگر پیار رکھے گا، جدوں اوہ ایہہ جانے گا پئی رب قادر مطلق اے تے جو کجھ اوہنے انسان لئی کیتا اے تے کر رہیا اے اوہدے وچ الہی محبت دی شفاءیہ طاقت نوں جانے گا۔ وعدے پورے کیتے جان

گے۔ الٰہی شفا دے دوبارہ ظاہر ہوون دا ویلہ ہر ویلہ ہندا اے؛ تے جو کوئی وی اپنا دھرتی والا سب کجھ الٰہی سائنس دی الطار اُتے رکھدا اے، اوہ ہن مسیح دے پیالے وچوں پیندا اے، تے اوہ روح تے مسیحی شفا دی طاقت نال ملبوس ہندا اے۔

مقدس یوحنا دے لفظاں وچ: ”اوہ تہانوں دو جامدگار بخشے گا پئی ہمیشہ تیکر تہاڈے نال رہوے۔“ میں الٰہی سائنس نوں ایہہ مددگار سمجھداواں۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الٰہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الٰہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط

طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔